

山西府縣志輯

中國地方志集成

雍正朔平府志

中國地方志集成

山西府縣志輯 ⑨

雍正朔平府志

鳳凰出版社 ● 上海書店 ● 巴蜀書社

序

禹貢者古志書之祖也
其治冀州也則曰旣修
太原至于岳陽而太原

朔平府志

申序

以北則未之及焉又稱
東漸于海西被于流沙
若南若北則第曰朔南
暨而不言其地之所極

意者聲教猶有未訖之
處乎我

朝統一區宇日月所照莫
不尊親東至於濊貊朝

朔平府志

申序

二

鮮西極於天竺西藏南
則交趾日南皆重譯來
獻而奄受北國更爲遼
遠長城以外蒙古諸蕃

部落數百種分爲四十
九旗臣其酋長而撫其
民人其通貢往來必道
於邊關而殺虎口乃直
北之要衝也其地在雲
中之西扼三關而控五
原自古稱爲險塞我
聖祖仁皇帝親統六師殄滅

逆賊噶爾丹遂於殺虎
口南二十里明所築大
同右衛城
特命勲戚重臣統禁旅數千
建牙於此與西安寧夏
相爲犄角焉
今上御極以邊境久安屯
衛可撤盡裁衛缺而爲

郡邑廼以右衛爲朔平

府治而轄一州四縣雍

正四年余以在京都統

恭膺

朔平府志

申序

五

簡命來鎮恒陽適逢撤衛

設郡之始制度規模煥

然改觀余亦竭其一得

之愚維是汰冗員繕城

垣以上佐

聖天子維新之治俱荷

俞旨允行而一時共事封

疆如

朔平府志

申序

六

撫藩諸大僚皆能公

忠爲

國正已率屬整飭邊防下

逮郡邑長吏罔不精白

乃心共襄化理師師濟
濟稱極盛焉燕都劉君
士銘早歲登賢書作宰
佐郡俱有能聲雍正七

年

擢守朔平地當衝劇制屬
草創政務填委而游刃
自如三載以來政通人

和百廢具興茲當西陲
用武儲胥孔棘糗糧芻
茭之需羽檄飛馳日不
暇給而劉君於肆應之
餘復能遐搜博采攷古
證今舉數百代疆圉之
沿革數千年民物之登
耗以及官師之進退人

材之盛衰風俗之淳漓
縷縷條析如指上羅紋
創爲朔郡志書一十二
卷旣成以就正於余余

披覽之歎曰美哉洋洋
乎古來大一統之規模
未有盛於

今日者也夫帝圖王會在

中原名勝之地猶爲千
古美談况朔郡當邊塞
之衝向日金戈鐵馬之
所馳驟青燐白骨之所

沉埋至于今而山川煥
其光草木發其華雲物
呈其瑞不惟郡城中崇
墉仡仡民物熙熙禮樂

衣冠極聲名文物之盛
而口外歸化城市厪鱗
接冠蓋雲屯西旅貢獒
越裳獻雉肩摩轂擊畢
集於斯爲冀北一大都
會焉夫河山猶是也關
塞猶是也豈非所謂在
德而不在險者乎然則

觀於斯志而我
朝聲教之四訖有不僅如
禹貢之所云者余旣幸
躬逢其盛而又喜劉君
之能輯舊聞揚新烈潤
色
國家之鴻業以傳於無窮
也於是乎書

皇清雍正九年歲次辛亥

嘉平月上浣吉日

欽命鎮守朔平等處地方

統轄滿洲蒙古漢軍八



朔平府志

申字

三

旗官兵建威將軍奉恩

將軍宗室申慕德謨



序

國家重熙累洽德威覃被
環河源海委之區梯航貢
獻悉隸象胥而山右雲朔
尤稱邊垣要壤內則與雁

朔平府志

蔣序

一

門寧武偏關臂指聯絡以
拱衛畿輔外則歸化迤北
障塞崇閔背亘青山腋繞
黃河平沙曠野直抵榆林
甘涼驛郵戍堠交錯于牙

帳之間邊陲清謐行旅如
歸蓋民生煦育承平之澤
久矣朔郡舊為右玉左雲
平魯諸衛屬於大同

雍正三年

朔平府志

蔣序

二

皇上加意封疆特建為府增置
守令以教養邊民又割朔
州馬邑來屬延袤數百里
山川扼塞擁抱襟帶于是
朔平一郡屹然峙巨鎮雲

朔平府志

蔣序

三

間攷歷代史乘元魏始創
朔州所領郡邑碁布口外
唐有雲中都護復設豐勝
二州都督府分掌關內河
東其外羈縻之州不可殫
紀朔郡所轄之地雖介居
雲中寔偕豐勝相為表裏
屯戍千重貔貅萬竈固極
北之都會也昔王忠嗣任
河東節度繪邊塞圖以獻

而賈耽為僕射遇部落信
使往還訊其河山土俗勒
成一書此豈徒侈淵博云
爾哉其綜理之精密防制
之權宜批卻導竅動中機

朔平府志

蔣序

四

會胥于輿誌是賴邇者

聖天子編集統志全書

詔各省采錄進

呈發潛闡幽務期裨益政教余

恭膺

簡命蒞職旬宣因奉 撫憲所

委開局纂修顧山右舊志

蕪略研覈難悉隨分檄郡

縣甄綜輿地事實及名賢

表見者彙送志館而朔平

朔平府志

蔣序

五

新建文獻無徵方思廣為

蒐訪冀補闕遺迺知府事

劉君于懋勤政績之餘網

羅典章摩挲碑碣草創府

志期年而書告成凡地形

關塞田賦軍政諸大綱擘

肌析理有體有要他如史

冊所載事功之烜赫人文

之瑰麗者徃徃與勾注太

峪之峰桑乾兔毛之水毓

朔平府志

蔣序

六

菁蘊秀彪炳寰區矧今遭

逢

郅治茹濟太和其烝烝嚮化以

鞏固金甌于不拔者豈淺

鮮哉夫昭宣德意而使民

鼓舞率俾者良二千石之

職也余既喜是書忝参考精

詳足供通志漁獵之助而

尤幸民風淳穆文運光昌

于以見

朔平府志

蔣序

七

盛朝丕冒帡幪聲教訖于邊徼

而統馭中外規模宏遠成

億萬載有道之長也爰識

語以弁其端

崑

皇清雍正十年歲次壬子夏五

月上浣之吉

賜進士出身通奉大夫山西等

處承宣布政使司布政使


加十級紀錄四次

朔平府志

蔣序

八

虞山蔣洞撰



序

作史之難莫難于志江文通嘗言之矣乃若新設之郡又當極邊之衝規模肇造文獻無徵搜遺聞於艸莽紀軼事於荒裔於此而欲該而不靡

朔平府志

劉序

一

質而不野勒成完善之書則尤憂乎難之朔平本古五原定襄地也漢唐五季以來紛爭割據或統于南或隸于北有明中葉棄豐勝不守而以長城為界沿邊悉置屯衛

以固藩籬而戎馬生郊歲無
寧畧哉

朝定鼎中外一家大漠以北悉
子悉臣互為唇齒捍我牧圉
固已化干戈而衽席矣

聖祖仁皇帝聖德神功極天蟠地蠶

朔平府志

劉序

二

茲嚙爾丹敢干

天討旋即蕩平而

睿謨宏遠

特命大臣統八旗重兵駐防右衛以
扼殺虎口之衝又於歸化城

分命都統大員節制蕃夷於是邊烽

永靖塞外千餘里閭閻撲地
雞犬之聲相聞車書一統之
盛依古以來未嘗有也

今上御極念邊方日益蕃庶宜設
長吏師儒興行教化乃盡撤
衛所而郡縣之朔平郡治即

朔平府志

劉序

三

向之右衛也五屬惟朔州馬
邑舊隸大同其附郭之右王
與左雲平魯皆衛治改置設
郡甫三載而余適承乏是邦
下車之始為之覽其山川按
其形勝見雁門峙於前恒嶽

聳於左大河遶其右而北距
歸化城不十舍其地為九邊
總滙皇華

詔使朝貢陪臣星軺絡繹冠蓋相
望且彞民于此互市商賈負
販與椎結侏儻蜂屯而蟻聚

朔平府志

劉序

四

大青山後諸蒙古環列若眾
星之共焉是郡也豈惟據全
晉之要衝哉寔扼天下之險
塞也使不有志以紀之而任
聖世之文物典章與往代之荒烟
蔓草同其湮沒可乎迺者

天子允輔臣之請以

當代名臣碩彥忠孝節義宜加

考核增入一統志中乃

勅直省督撫各脩本省通志毋濫

毋遺以昭信史而因檄所屬

郡邑各纂脩志乘以脩通志

朔平府志

劉序

五

之采擇余不敏敢辭厥責特
是他郡之志繼長增高沿襲
而已而茲則創始也他郡之
志踵事增華腹裡而已而茲
則邊隅也網羅舊聞端賴文
獻而邊鄙尚武故家世族既

鮮書倉亦無耆舊則諮訪難
兵農禮樂累朝成憲冊籍是
憑而此邦故府所藏一燹於
闔禍再厄於姜逆即朔州馬
邑有舊志者猶殘缺散亡况
衛治無志者乎則考證難雲

朔豐勝歷朝以來為郡為州
為縣為都護府為軍為衛分
合靡常轉徙不定有名則是
而地則非者有遷其民而并
遷其地之名者刻舟求劍既
膠而鮮通捕風捉影亦混而

失寔則確覈難且也歸化城
為古豐州地自漢魏以迄金
元時而井里時而戰場雖間
有遺蹟而殘碑斷碣漫漶剝
落如岐陽石鼓不可辨識則
蒐討難兼此四難而又無三

長四善其何敢師心自用以
蹈妄作之咎爰為禮請聞人
虛衷商確又得平魯學博王
君霽任編摩之責更選博士
弟子之敏達者分類校讐於
是上下數千百年博綜二十

一史叅酌通志雲中志旁及各郡志之義例而余復為之折衷焉先之以圖考觀象也以明天文以察地理則有星野方輿也以紀人官以考物曲則有職官名宦與建置也

朔平府志

劉序

八

以理財則有賦役以用人則有選舉也以討軍實則有武備以彰人文則有人物藝文也而異聞軼事則有外志以括之挈其綱十有二繫其目八十有一條分縷析刪妄闕

疑雖未敢云詳而質也而失之靡與野者或寡矣是後也始於康熙戊仲冬訖于辛亥季冬歷十四晦朔而稿就壬子夏命梓人鏤版越癸丑春凡八閱月乃告竣焉余雖謏陋

朔平府志

劉序

九

寧唯是斤、備一方之掌故乎哉方今

聖天子在上制度考文禮明樂備御製聖諭廣訓

頒布中外雖殊俗遐方武夫健卒莫不家諭而戶曉而又以